

Konstanz am 28. Jänner 1418.

Wir Sigmund von gotes gnaden Romischer kung. zu allen czyten Merer des Richs, vnd czu Vngarn, Dalmacien, Croacien ze kung. Bekennen, vnd tun kund offenbar mit disem brief, Allen den, die in sehen, oder hören lesen. Wann vserr kunglicher Maiestat furbracht ist, das ein Recht besetzt landgericht czu Rankwil, als lang, Als ymand verdennen möge, gewest sey, dann das das nu ettweuil Jare, so durch krieg, so durch anderr wandlung willen, nider gelegen hab. Wann nu die Herrschaft czu Veldkirch darin Ranckwil gehöret, mitsampt andern Herrscheften. Landen, vnd Luten, die Herzog Fridrich von Österreich gehebt hat An vns vnd das Riche kommen, vnd gefallen ist, nach Inhalt siner brieue, vns daruber gegeben, vnd auch nach Inhalt Geistlicher Richtere vrteyle, von dem Heiligen Concilio, zu Costenz, daruber gegeben, vnd auch kunglicher gesezte, vnd manicherley, redlicher sache willen, dorumb der vorgenant Fridrich sin Lande, Lute, Herrschefte, Stete, Sloss vnd was er gehebt hat, vnd auch sine Leumde. wirdikeyt, vnd anders verloren hat, vnd bis an das ander kunne verfluchet ist Als dann das alles soliche des iczgenanten Concilij Bulle, vnd anderr Process, vnd brieue daruber gegeben wol bezeugen, vnd wann wir gericht vnd Rechte gern furdern, vnd ouch nit gestatten wollen, das In vnsern, vnd des Richs Landen, Herrscheften, vnd gebieten, Landgericht, oder andere gerichte niderligen, Sunder wo die nyderligen, das die wider ufgeruckt, vnd furbass gehalten werden, Als recht vnd von alter herkommen ist, dorumb mit wolbedachtem mte. gutem Rate, vserr vnd des Richs Fürsten Greuen, Edler, vnd getruen, haben wir das vorgenant Landgerichte wider vferhebt begnadet vnd gefreyet, Erheben begenaden, vnd fryen das ouch mit Rechter wissen, in craft diss briefs vnd Römischer kunglicher maht vollkommenheit Als dann das von alterher erhebt, begenadet, vnd gefreyet gewest, vnd noch ist, vnd der wortten, das dasselb Landgerichte also wider ufbracht vnd redlich gesezt, vnd gehalten werde. Dorumb haben wir dem wolgebornen Fridrich, Grauen czu Tokemburg, vnserm vnd des Richs lieben getruen, dem wir die vorgenant Herrschefte czu Veldkirch, mit sampt Ranckwil, vnd andern Iren czugehörungen,